



Broj: 01/13-02-1390/22-1  
Sarajevo, 30.06.2022.g.

Primljeno: 01-07-2022			
Org. jed.	Broj	Priloga	Vrijednost

## ČLANOVIMA ETIČKE KOMISIJE

Dana 30.06.2022. godine održana je 10. sjednica Etičke komisije Predstavničkog doma Parlamenta Federacije BiH (u daljem tekstu: Komisija), online putem Cisco Webex platforme.

Sjednici Komisije prisustvovao je dovoljan broj članova Komisije, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

### DNEVNI RED

1. Razmatranje prijave Kenele Zuko, zastupnice u PDPFBiH, broj: 01/13-02-1364/22 od 23.06.2022. godine.

Na osnovu člana 44. st. 1. i 2., a u vezi sa članom 68. 12.a. Poslovnika Predstavničkog doma Parlamenta Federacije BiH, Etička komisija podnosi sljedeći

### IZVJEŠTAJ

#### **Ad-1. Razmatranje prijave Kenele Zuko, zastupnice u PDPFBiH, broj: 01/13-02-1364/22 od 23.06.2022. godine**

Uvodno izlaganje dala je predsjednica Etičke komisije Samira Begić i upoznala prisutne članove Komisije sa dostavljenom prijavom Kenele Zuko, zastupnice u Predstavničkom domu Parlamenta Federacije BiH, broj: 01/13-02-1364/22 od 23.06.2022. godine protiv zastupnice u Predstavničkom domu Mimirke Melank, članice Kluba Naše stranke Predstavničkog doma Parlamenta FBiH, sa zahtjevom za razrješenje sa mjesta predsjednice Komisije za ljudska prava Predstavničkog doma Parlamenta FBiH i članice Komisije za obrazovanje, nauku, kulturu i sport Predstavničkog doma Parlamenta FBiH. Nakon uvodnog izlaganja Komisiji se obratila i zastupnica Kenele Zuko u svojstvu podnositeljice prijave kao i zastupnica Mimirka Melank na koju se i odnosi podnesena prijava. Prisutni članovi Komisije su obavili diskusiju tokom koje su iznijeli svoje prijedloge, primjedbe i sugestije, te na kraju jednoglasno donijeli sljedeći



---

## ZAKLJUČAK

Priloženi dokazni materijal dostavljen uz prijavu Etičkoj komisiji datira od 22.07.2018. godine, a Konstituirajuća sjednica ovog saziva Predstavničkog doma Parlamenta FBiH je održana 27.11.2018. godine i po odredbama Etičkog kodeksa, član 24. stav 2., predmetnu prijavu sa ovim pratećim materijalom nije moguće razmatrati.

Navedenu prijavu prosljeđujemo Komisiji za izbor i imenovanje Predstavničkog doma u skladu sa članom 62. Poslovnika o radu Predstavničkog doma Parlamenta FBiH na dalje postupanje, obzirom da po članu 68 12.a Poslovnika o radu Predstavničkog doma, Etička komisija nema ovlaštenje za smjenu zastupnika iz radnih tijela.

Pozivamo sve zastupnice i zastupnike Predstavničkog doma Parlamenta FBiH da se pridržavaju odredbi Etičkog kodeksa bez obzira na vrijeme i okruženje i time čuvaju svoj dignitet i dignitet Zastupničkog doma Parlamenta Federacije BiH.

PREDSJEDNICA KOMISIJE  
Samira Begić, s.r.